



ADMINISTRACIÓN LOCAL

MUNICIPAL

AS PONTES DE GARCÍA RODRÍGUEZ

Persoal

Nomeamento profesor/a conservatorio, especialidade harmonía e piano (OEP-E 2022). Estabilización do emprego temporal

ANUNCIO

Expediente núm. 2022/E001/000034

No procedemento de referencia, relativo á convocatoria para a provisión dunha praza de profesor/a do Conservatorio de Música, especialidade harmonía e piano complementario (persoal laboral fixo), o concelleiro-delegado da Área de Xestión Económica, Planificación Urbana, Servizos á Veciñanza e Recursos Humanos ditou o Decreto núm. 571/2024, do 18 de marzo (2024/G003/000601), que na súa parte dispositiva (o DNI amósase cifrado), que inclúe o pé de recursos, resolve:

“1. Nomear a Olalla Rodríguez Corral, con DNI *9864**, persoal laboral fixo do Concello das Pontes de García Rodríguez, coa categoría de profesor/a do Conservatorio Profesional de Música, especialidade harmonía e piano complementario, grupo profesional asimilado ao subgrupo A1, con contrato a tempo completo.**

A aspirante nomeada deberá formalizar o contrato de traballo no prazo máximo dun mes a contar desde o seguinte ao da publicación do nomeamento no Boletín Oficial da Provincia da Coruña (BOP).

A formalización do contrato como persoal laboral fixo implica a extinción do contrato temporal existente.

Con ocasión da subscrición do novo contrato o concello efectuará os trámites correspondentes en materia de Seguridade Social e nóminas.

2. Publicar o anuncio do presente nomeamento no BOP, na sede electrónica do concello e na páxina web da entidade local.

Contra a presente resolución, que pon fin á vía administrativa, as persoas interesadas poderán interpor potestativamente o recurso de reposición ante o mesmo órgano que a ditou, no prazo dun mes, contado a partir do seguinte ao da publicación no BOP do presente nomeamento, segundo establecen os artigos 123 e 124 da Lei 39/2015, do 1 de outubro, do procedemento administrativo común das administracións públicas (LPACAP). Se interpoñen o recurso de reposición non poderán interpoñer o recurso contencioso-administrativo até que sexa resolto expresamente ou se producise a desestimación presunta do recurso de reposición interposto.

Transcorrido un mes dende a interposición do recurso potestativo de reposición sen que se lle teña notificada a resolución expresa, entenderase desestimada por silencio administrativo, e quedará expedita a vía contencioso-administrativa, podendo interpoñer o recurso contencioso-administrativo no prazo de seis meses, a contar desde o día seguinte ao daquel no que se producise a desestimación presunta. Se o recurso de reposición foi resolto expresamente, o prazo para interpoñer o recurso contencioso-administrativo é de dous meses, a contar desde o día seguinte ao da notificación do acordo polo que se resolveu expresamente o citado recurso de reposición. Este recurso contencioso-administrativo poderá ser interposto ante o Xulgado correspondente do Contencioso-Administrativo, efectuando a persoa demandante a elección que lle permite o artigo 14, regra segunda, da Lei 29/1998, de 13 de xullo, reguladora da xurisdición contencioso-administrativa (LRXCA).

Malia o anterior, poderá impugnar directamente este acto administrativo ante a orde xurisdicional Contencioso-Administrativa (artigo 123.1 da LPACAP). Para tal efecto poderá interpor recurso contencioso-administrativo no prazo de dous meses, a contar desde o día seguinte ao da publicación do anuncio da presente resolución, perante o Xulgado do Contencioso-Administrativo que corresponda, a teor da elección permitida ao demandante polo artigo 14, regra segunda, da meritada LRXCA.

Así mesmo, as persoas interesadas poderán interpor calquera outro recurso que estimen procedente ou conveniente.”

As Pontes de García Rodríguez, 20 de marzo de 2024

O concelleiro-delegado da Área de Xestión Económica, Planificación Urbana, Servizos á Veciñanza e Recursos Humanos

Antonio Alonso Román